

SOALAN NO: 75

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB DR. MICHAEL JEYAKUMAR DEVARAJ
[SUNGAI SIPUT]
TARIKH : 25 JULAI 2017
SOALAN : 75

YB Dr. Michael Jeyakumar Devaraj [Sungai Siput] minta MENTERI KESIHATAN menyatakan bilangan pesakit dengan jangkitan Hepatitis C di Malaysia pada setakat ini. Berapakah antara mereka yang dirawat oleh Kementerian Kesihatan Malaysia dengan ubat sofosbuvir. Apakah kos merawat seorang pesakit Hepatitis C.

Tuan Yang di-Pertua,

Sebanyak 19,275 kes jangkitan Hepatitis C telah dilaporkan sejak 2003 sehingga Disember 2016 dengan sejumlah 2,645 kes jangkitan Hepatitis C baru telah dilaporkan pada tahun 2016 dengan kadar notifikasi 8.57 per 100,000 penduduk. Peningkatan kes hepatitis C dijangka akan terus meningkat dengan peningkatan kesedaran masyarakat dan pengalaman perubatan dalam melaporkan kes hepatitis C.

Ubat sofosbuvir belum disenaraikan dalam Formulari Ubat KKM untuk rawatan hepatitis C kerana kos rawatannya yang tinggi. Buat masa ini kerajaan tidak mampu membiayai kos rawatan Hepatitis C menggunakan sofosbuvir termasuk kombinasinya yang mencelah RM 300 ribu bagi setiap pesakit. Oleh itu, KKM telah mengkaji beberapa kaedah untuk mendapatkan kos rawatan yang mampu ditanggung oleh kerajaan. Usaha untuk meningkatkan akses rawatan hepatitis C di Malaysia yang mampu ditanggung oleh kerajaan telah dirancang dan sedang disediakan untuk mendapat kelulusan Jemaah Menteri. Pada masa yang sama, KKM dengan kerjasama pihak DNDi (*Drugs for Neglected Disease Initiative*) sedang menjalankan satu kajian klinikal (*clinical trial*) yang melibatkan 280 orang pesakit yang menerima rawatan Hepatitis C menggunakan ubat sofosbuvir pada tahun 2016.